

Jém carta jém ijayñewiip jém Judas

Jém Judas ijáyáypa jém Dios ipixiñtam

¹ Ich aJudas aŋcuyoxap jém tánQmi Jesucristo. Jém Jacobo antiwi. Siip manjáyáypa mimichtam jém aguipic mitoypa tanJatun Dios, jém miñwejayñewiip. Miwatneta cuenta jém tánQmi Jesucristo. ² Wi iga miyaachanjamtámiñ Dios y iga jáyañaiñ jém paz y jém wibic tóyooyi.

Jém malopic maestroyaj inquejpa miigooyi (2 P. 2:1-17)

³ Mantiwitam, mantoytampáppic, tsam anjiswa iga manjáyáypa más parejo titam tannascaaba cuando taciacputtampa jém tánQmi Jesucristo. Pero siip anjiswa iga más wi iga manjáyáypa iga miñpa jém enemigoyaj. Manañquimpa iga seguido míñatámiñ con jém ijóyixpáppic jém wibic aŋmafi iga taŋcupicpa Cristo. Tuñciy ichac Dios yíp wibic aŋmafi para siempre. ⁴ Algunos jém malopic pxiñtam yamtigiyñeyaj con jém Dios ipixiñtam. Pero dende wiñigam jaycámneta jém Dios inmafi iga jexpic pxiñtam ichiiba castigo tanJatun Dios. Yíp malopic pxiñtam da imatonjajpa ti inímáypa Dios. Nímyajpatim iga wiap tañwatta itumpiy malopic cosa juuts tañcusúníypa tánanamanjom y da tachiiba castigo Dios porque tsam tóyóypa. Jeeyaj innécyajpa jém tanAñjagooyi, jém tánQmi Jesucristo.

5 Manacj̄ispa, aunque michtam iñjodontam itumpiy yípyaj cosa, iga tanjatun Dios cuando itop jém ipixiñtam jém naxyucmi de Egipto, iccucaayyaj itumpiy jém dapic icupicyaj.

6 Wiñgam algunos jém sinyucmipic pixiñtam ichacyaj jém icargo jém ichiñewiip Dios. Ichacyaj iticmi iga iwatyajpa juuts iwianjamyaj iyaac. Pero siip matsyajta, pajta para siempre jém piichcim hasta jém inajpigam jama cuando Dios icipinpa jém malopic pixiñtam y ichiiba jém castigo.

7 Jistaamitim jém pixiñtam jém ityajwiip idic jém Sodoma y Gomorra con jém tungac tiganjoj, jém ityajwiip nocojom. Jeeyaj tsam pimi imalwatyaj juuts jém malopic sinyucmipic pixiñtam. Tsam icusuniyyajpa itumpiy jém malopic cosa. Tsam pejoyyajpa. Pixiñ con pixiñ nacusuniyyajta. Yomo con yomo nacusuniyyajta. Jesic Dios ichi tum mijpic castigo. Jipsquetyajpa jeeyaj jém juctjom jut da nunca pichpa. Tsíyyaj juuts tum ejemplo para itumpiy jém pixiñtam.

8 Jesanetim jém yamtigiyñeyajwiip con mimichtam, jém mawíñayajpáppic, imalwatyajpa con imijtay. Da ijicpa iga anjactap. Tsam injibaccúmpa, imalnímáypa jém sinyucmipic anjagooyiyaj. 9 Wiñic jém arcángel Miguel tsam añayaj con jém Wocciwiñ, inacayajpa jém Moisés imijtay. Pero jém Miguel da iquejajwadáy jém Wocciwiñ, da imalnímáy, nada más iñímáy iga: Jém anjatun Dios minjiyjacpa. 10 Yip malopic maestroyaj, jém yamtigiyñewiip con mimichtam, tsam imalnímayyajpa jém cosa

jém dapic iixpicayajpa. Pero icutiyyayajpa jém malopic jixi juuts jém animatyaj dapic jixiy. Jesic namiswatyajtap entre jeeyaj.

¹¹ Agui uuguytim yipyaj pixiñtam porque tsam imalwatyaj juuts jém Caín. Ipic tungac tun iga ricojap juuts jém Balaam. Cucaayyajpa juuts jém rebelde Coré. ¹² Cuando miwagasinatampa con jém iñtawitam, jém iñtoytampappic, jesic miñyapatim yipyaj malopic pixiñtam. Niman̄taayap iga iñamigo, pero da je. Tum tsaaji para mimichtam. Tsam wicyajpa y ucyajpa. Nawidatap iyaac. Da iniayyaj respeto jém tánomi Jesucristo. Yipyaj jex juuts jém ucsi jém dapic ini tuj, jém sawa icmiñpa yim, icnicpa jeexic. Jextim juuts tum cuy jém dapic tím̄ap y sip̄ nasum itiem̄po, wixquimnetawum con itichic, wisciy caane. ¹³ Tsam tsigóypa jém lamar cuando pimi poypa jém sawa. Ichacpa lamar an̄aca jém nimoya y jém puchi. Yip malopic pixiñtam jextim juuts jém niipoa. Tsam an̄matyajpa, pero inimiñpa jém jixi dapic wi. Juuts tum matsa jém dapic ijodon̄ jut nicpa, jeeyaj acnicyajtap jém piichcim̄ jut tsam pimi piichi. Tsacnet̄a iga jemum tsíy itumpiy tiempo.

¹⁴ Wiñic it idic tum wibic pixiñ iñiyi Enoc. Je jém septimo nay despues de jém Adán. Chiita jixi jém Enoc iga wiañ in̄mat ti miñpa. Nimpa: “Ámtaami mimichtam, Dios an̄quejáy iga miñpa yip̄ naxyucmi jém tánomi. Iwaganamiñpa tsam jáyan̄ mil jém ipixiñtam jém cuáyñeyajwip̄. ¹⁵ Miñpa jém tánomi iga icipin̄pa y ichiiba castigo itumpiy jém t̄ancaiyajwip̄. Miñpa iga in̄quejáypa iga t̄ancaiy

itumpiy jém ijóyixyajpáppic Dios porque tsam jáyan malopic cosa iwatyaj contra jém Dios inqumayooyi. Yíp malopic pixiñtam tsam imalnímayyaj jém tánomi jeeyucmi chiijajtap castigo.” ¹⁶ Tsam jóyteroyaj, i quej imalnímáypa. Imétsyajpa itumpiy jém malopic cosa juuts icusúniyyajpa. Anmatyajpa juuts agui wiap. Agui nacujíptap iyaac. Imigóyayyajpa jém itiwitam, icujípyajpa iga itobáypa titam ixunpa.

Chiitap jixi jém icupicneyajwip Jesús

¹⁷ Mimichtam, mantoytampáppic, jistaami jém anmati, jém inmatnewip jém apóstolyaj de jém tánomi Jesucristo. ¹⁸ Nimyaj: “Cuando núcpa jém inanjpigam jama, itpa jém malopic pixiñtam. Tsam saayíóypa, tsam xiccaóypa. Siempre iwatyajpa juuts iwianjam jeeyaj, jém dapic iwianjampa Dios.” ¹⁹ Yípyaj iwécyajpa jém Dios ipixiñtam. Iniityaj yíp naxyucmic jixi. Da iniijaj jém Dios iAnama ianamanjom.

²⁰ Pero michtam, mantoytampáppic, seguido cuyujcai jém Dios inmati iga más y más wiap inwat juuts ixunpa tánomi. Jígaayi iga miyoxpátpa jém Dios iAnama cuando inwattampa oración. ²¹ Cada tumtum de mimichtam nawattaji cuenta iñyaac iga odoy inchactámiñ jém tanjatun Dios itóyooyi. Anjóctaami jém jama iga miyaachanjampa jém tánomi Jesucristo cuando michiitampa jém vida dapic cuyajpa.

²² Yaachanjami jém dapic iwicutiíyíypa. Wianquejaayi. ²³ Ciacputitim jém jípsquetpáppic, topi de jém juctjom. Jém tungac, yaachanjami,

c̣iñiṭim. Jóyixaayi hasta jém ipuctucu jém imanchajiyẉiip con jém imijtay.

Icuj̣íppa tanjaṭuñ Dios

²⁴ Ṣiip taṇcuj̣ípṭámpa jém wiapaap tawat cuenta iga da tacutiñpa. Agui p̣imi tamaymay iga tacwiñquejpa sin ṭañca Dios iwiñjom. ²⁵ Jém tumpic Dios, jém taciacputtampaap por medio de ṭáṇomi Jesucristo, tṣam cuj̣ípṭap. Je jém más mijpic anjagooyi. Iniit itumpiy ip̣imi. Iniit itumpiy autoridad. It pecam, it ṣiip, it itumpiy tiempo. Amén. Jemum cuyaj.

**Jém jomipic trato jém iwatnewip tánomi
Jesucristo**

New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

da18b773-264a-519b-a8dd-012e48df725d